



Broj:04-40-1-152/20  
Sarajevo, 01.06.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 31.05.2020. do 08:30 sati 01.06.2020. godine**

Štab civilne zaštite Kantona Sarajevo (u daljnjem tekstu: Štab) je na sjednici, održanoj dana, 31.05.2020. godine, razmatrao trenutno stanje na području Kantona Sarajevo uzrokovano koronavirusom (COVID-19). Na osnovu informacija prikupljenih s cjelokupnog područja Kantona Sarajevo, a uvažavajući činjenicu, da je Vlada Federacije BiH na prijedlog Federalnog štaba civilne zaštite dana, 29.05.2020. godine donijela Odluku o proglašenju prestanka stanja nesreće uzrokovano koronavirusom (COVID-19) na području Federacije BiH, kao i da je u Izvještaju o epidemiološkoj situaciji u Kantonu Sarajevo, broj: 01-4-3055/20 od 29.05.2020. godine JU Zavod za javno zdravstvo Kantona Sarajevo, koji je dostavljen Štabu, navedeno da sa danom 28.05.2020. godine nema niti jednog aktivnog slučaja oboljenja i da je svim osobama koje su bile COVID-19 pozitivne i Rješenjem Ministarstva zdravstva Kantona Sarajevo stavljene pod zdravstveni nadzor i u kućnu izolaciju istekao period iste, te da trenutna epidemiološka situacija govori u prilogu da se može ukinuti stanje prirodne nesreće na području Kantona Sarajevo, Štab je shodno tome, procijenio da su stvoreni uslovi da se na području Kantona Sarajevo donese Odluka o prestanku stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID – 19) na području Kantona Sarajevo i prijedlog navedene Odluke uputio Vladi Kantona Sarajevo na razmatranje i odlučivanje.

Štab je na sjednici donio i naredbe kojim se van snage stavljaju naredbe Štaba i to:



- Naredbu kojom je van snage stavio Naredbu Štaba, broj: 08-40-423-1/20 od 18.03.2020. godine i broj: 08-40-423-1.1/20 od 30.03.2020. godine, kojom je bilo naređeno privremeno obustavljanje rada svih prodavnica u trgovačkim centrima, osim prodavnica osnovnih prehrambenih artikala i apoteka na području Kantona Sarajevo;
- Naredbu kojom je van snage stavio Naredbu Štaba, broj: 08-40-423-14/20 od 22.03.2020. godine, kojom je bilo naređeno komandantima općinskih štabova civilne zaštite da Štabu dostave sve informacije o vrsti i količine medicinske, zaštitne opreme i druge opreme koja je nabavljena i koja se nabavlja u cilju prevencije, od širenja zarazne bolesti uzrokovane koronavirusom (COVID-19), te da uvedu dežurstvo 24 sata u općinskim štabovima civilne zaštite i da svakog dana do 10,00 sati imena i prezimena dežurnih osoba sa brojem kontakt telefona dostavljaju Kantonalnom operativnom centru civilne zaštite;
- Naredbu kojom je van snage stavio Naredbu Štaba, broj: 08-40-423-15/20 od 22.03.2020. godine, kojom je bilo naređeno Građevinskom fakultetu Univerziteta u Sarajevu da privremeno ustupi jedan dio svojih prostorija Kliničkom centru Univerziteta u Sarajevu za potrebe eventualnog zbrinjavanja pacijenata zaraženih koronavirusom (COVID-19);
- Naredbu kojom je van snage stavio Naredbu Štaba, broj: 08-40-423-17/20 od 25.03.2020. godine, kojom je bilo naređeno kontinuirana dezinfekcija svih stambenih ulaza i zajedničkih dijelova stambenih zgrada na području Kantona Sarajevo;
- Naredbu kojom je van snage stavio Naredbu Štaba, broj: 08-40-423-20/20 od 26.03.2020. godine i broj: 08-40-423-20.1/20 od 02.04.2020. godine, kojom je naređeno općinskim štabovima civilne zaštite i Crvenom križu Kantona Sarajevo da dostave lijekove osobama koje su starije od 65 godina, a koji nemaju bližeg srodnika da se brine o njima;
- Naredbu kojom je van snage stavio Naredbu Štaba, broj: 08-40-423-22/20 od 29.03.2020. godine, kojom je naređeno JU „Opća bolnica Prim.dr. Abdulah Nakaš“ da izvrši procjenu svojih materijalnih, tehničkih i ljudskih kapaciteta u cilju suzbijanja širenja novog koronavirusa (COVID-19) i da ukoliko je neophodno angažira dodatne resurse, na način da sa istim zaključi ugovore o poslovnoj saradnji;
- Naredbu kojom je van snage stavio Naredbu Štaba, broj: 08-40-423-24/20 od 02.04.2020. godine, kojom je naređeno svim ustanovama iz oblasti socijalne zaštite na području Kantona Sarajevo, da za sve svoje korisnike, bez obzira da li se radi o već postojećim korisnicima koji iz određenih razloga napuste njihove objekte pa se vraćaju u iste ili se radi o novim korisnicima, da su dužni za takve korisnike provoditi mjeru izolacije, što podrazumijeva smještaj tih korisnika u posebne prostorije, kao i provođenje drugih propisanih epidemiološko–zaštitnih mjera;
- Naredbu kojom je van snage stavio Naredbu Štaba, broj: 08-40-423-25/20 od 03.04.2020. godine, kojom je naređeno Kantonalnoj upravi civilne zaštite Kantona Sarajevo da potpiše ugovor sa JU „Studentski centar“ Sarajevo za potrebe smještaja osoba koje ne postupe po rješenju nadležnih inspeksijskih organa kojim se određuje prinudna izolacija, za vrijeme vremenskog perioda za koji je ta mjera određena ili produžena, a koji se locira u objektu Studentskog doma „Bjelave“ Sarajevo u ul. Bardakčije br. 1.



**Od općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava, te dostavi paketa sa osnovnim životnim potrebštinama osobama koje su u stanju socijalne potrebe.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jednu intervenciju manjeg inteziteta.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 7°C, relativna vlažnost zraka 79% a barometarski pritisak 941,84hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS i Centrotrans – Eurolines d.d.** gradski i međugradski saobraćaj se odvija po reduciranom redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1